



Broj:09-20/1-11-2-600

Dana:12.05.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

O D L U K U

o poništenju postupka Javne nabavke – kancelarijskog potrošnog materijala

Na osnovu obavještenja o nabavci broj:1412-1-2-37-3-40/21, objavljenog u „Sl. glasniku BiH“ broj:20/21 od 02.04.2021 godine, proveden je otvoreni postupak.

1. Za predmetnu javnu nabavku pristigle su dvije ponude i to od pravnog lica **“ELKOM” d.o.o. Vitez i “PRIMAPROM” d.o.o. Banja Luka**, gdje je pregledom dostavljenih specifikacija utvrđeno da su navedene ponude u potpunosti u skladu sa traženim tehničkim specifikacijama navedenim u TD.
2. Komisija je konstatovala da je ponuda ponuđača **“PRIMAPROM” d.o.o. Banja Luka** sa ponuđenom **cijenom od 64.200,00 KM bez PDV-om** uz primjenu preferencijalnog tretmana za Javnu nabavku kancelarijskog potrošnog materijala, formalno pravno ispravna u opštem i tehničkom smislu, ali da je znatno viša od utvrđene/procjenjene vrijednosti okvirnog sporazuma (51.282,05 KM bez PDV-a) te da od strane Ugovornog organa nije moguće obezbjediti dodatna novčana sredstva za navedenu nabavku.
3. Shodno članu 69., stav 1., tačka b., Zakona o javnim nabavkama BiH, ugovorni organ donosi Odluku o poništenju postupka javne nabavke kancelarijskog potrošnog materijala.
4. Odluka stupa na snagu sa danom donošenja.

OBRAZLOŽENJE

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora FUP-e, broj: 09-19/1-30-2-207 od 18.03.2021. godine, je postupala shodno obavještenju o nabavci, broj:1412-1-2-37-3-40/21, objavljenom u „Sl. glasniku BiH“ broj:20/21 od 02.04.2021 godine, kojom prilikom je proveden otvoreni postupak Javne nabavke kancelarijskog potrošnog materijala.

Dana 13.04.2021. godine, izvršeno je otvaranje ponuda o čemu je sačinjen Zapisnik u kojem su uneseni svi elementi predviđeni članom 63., stav 4., i 5., ZJN BiH.

Komisija je u Zapisniku o pregledu i ocjeni ponuda od 26.04.2021. godine, konstatovala da su ponude pravnih lica „ELKOM“ d.o.o. Vitez i „PRIMAPROM“ d.o.o. Banja Luka za Javnu nabavku kancelarijskog potrošnog materijala, procijenjene vrijednosti nabavke 51.282,05 KM bez PDV-a, formalno pravno ispravne, te da ispunjavaju uslove tražene tenderskom dokumentacijom. Obzirom da je za predmetnu nabavku predviđena e-aukcija Komisija je Sektoru za mat-fin poslove uputila akt za provođenje e-aukcije.

Komisiji je nakon provedene e-aukcije, dostavljen akt Sektora za mat-fin poslove sa izvještajem o toku i završetku provedene e-aukcije broj:1412-1-2-37/21 od 29.04.2021 godine, kao i konačna rang lista u otvorenom postupku javne nabavke kancelarijskog potrošnog materijala. Iz iste je bilo vidljivo da je ponuda ponuđača „PRIMAPROM“ d.o.o. Banja Luka na e-aukciji sa ponuđenim iznosom od 64.200,00 KM bez PDV-a sa primjenom preferencijalnog tretmana, viša od utvrđene/procijenjene vrijednosti okvirnog sporazuma (51.282,05 KM bez PDV-a).

S obzirom na navedeno, dana 04.05.2021 godine, Sektoru za mat-fin poslove je upućen zahtjev za izjašnjenje da li se za navedenu nabavku mogu obezbjediti potrebna finansijska sredstva. Od istih je dana 10.05.2021 godine, dostavljen pismeni odgovor da u budžetu FUP-e nije moguće obezbjediti dodatna sredstva za navedenu nabavku.

Komisija je iz navedenog razloga predložila poništenje postupka nabavke, obzirom da je ponuda ponuđača „PRIMAPROM“ d.o.o. Banja Luka znatno viša od osiguranih sredstava za predmetnu nabavku odnosno predložila donošenje Odluke o poništenju shodno članu 69., stav 2., tačka e. ZJN.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđačima
- u spis